

## প্রতিষ্ঠার পর এবারই সবচেয়ে ভালো ফল করেছে সিলেট বোর্ড

॥ সিলেট অফিস ॥

বোর্ড প্রতিষ্ঠার পর এসএসসি পরীক্ষায় এবারই সবচেয়ে ভালো ফল করেছে সিলেট শিক্ষা বোর্ড। গতকাল মঙ্গলবার প্রকাশিত ফলাফল অনুযায়ী এবছর বোর্ডের মোট পাশের হার ৭৮ দশমিক ৭১। জিপিএ-৫ পেয়েছে ১৮৯৬ জন। গত বছর সিলেট বোর্ডে পাশের হার ছিল ৫৩ দশমিক ৮৮। জিপিএ-৫ পেয়েছিল ৬২৩ জন। এবছর বোর্ডের মধ্যে কেবলমাত্র হবিগঞ্জ সদর উপজেলার গহানগর হাইস্কুলের একজন পরীক্ষার্থীও পাশ করেনি। শতভাগ পাশ করেছে ৩৯টি স্কুল। বোর্ডে পাশের হার ও জিপিএ-৫ প্রাপ্তি উভয় দিক থেকেই মেয়েদের চেয়ে ছেলেরা এগিয়ে।

সিলেট বোর্ডে এ বছর মোট পরীক্ষার্থী ছিল ৩৭,৫৮৪ জন। এর মধ্যে পরীক্ষায় অংশগ্রহণ করে ৩৭,৪০৮ জন। মোট পাশ করেছে ২৯,৪৪৩ জন। পাশের হার ৭৮ দশমিক ৭১। অংশগ্রহণকারী মোট পরীক্ষার্থীর মধ্যে ছাত্র ছিল ১৭,৪২৪ জন। পাশ করেছে ১৪,০৬৫ জন। পাশের হার ৮০ দশমিক ৭২। ছাত্রী ছিল ১৯,৯৮৪ জন। পাশ করেছে ১৫,৩৭৮ জন। পাশের হার ৭৬ দশমিক ৯৫। বিজ্ঞান বিভাগে মোট পরীক্ষা দেয় ৮,৫৭০ জন। পাশ করেছে ৭,৫৪৯ জন। পাশের হার ৮৮ দশমিক ০৯। মানবিক বিভাগে মোট পরীক্ষার্থী দেয় ২৫,৮৪৩ জন। পাশ করেছে ১৯,৩৮৪ জন। পাশের হার ৭৫ দশমিক ০১। ব্যবসায়

শিক্ষা বিভাগে মোট পরীক্ষার্থী দেয় ২,৯৯৫ জন। পাশ করেছে ২,৫১০ জন। পাশের হার ৮৩ দশমিক ৮১। বোর্ডে জিপিএ-৫ পেয়েছে মোট ১,৮৯৬ জন। এর মধ্যে ছাত্র ১,১৫১ জন ও ছাত্রী ৭৪৫ জন। বিজ্ঞান বিভাগ থেকে জিপিএ-৫ পেয়েছে-১,৭৪৬ জন, মানবিক বিভাগ থেকে জিপিএ-৫ পেয়েছে ৭৪ জন ও ব্যবসায় শিক্ষা বিভাগ থেকে জিপিএ-৫ পেয়েছে ৭৬ জন। জিপিএ-৫ প্রাপ্তির উদ্দেশ্যে সিলেটের বোর্ডের মধ্যে সেরা হয়েছে ব্লু বার্ড হাই স্কুল। এই স্কুলের ১৯১ জন পরীক্ষার্থীর মধ্যে জিপিএ-৫ পেয়েছে ১৩৮ জন। ১৩৩টি জিপিএ-৫ পেয়ে দ্বিতীয় হয়েছে সিলেট সরকারী পাইলট হাই স্কুল। ১০৪টি জিপিএ-৫ পেয়ে তৃতীয় হয়েছে সিলেট সরকারী অগ্রগামী বালিকা বিদ্যালয়। ৭৭টি জিপিএ-৫ পেয়ে চতুর্থ হয়েছে সিলেট শাহজালাল জামেয়া ইসলামীয়া হাই স্কুল। ৫২টি জিপিএ-৫ পেয়ে পঞ্চম হয়েছে মৌলভীবাজার সরকারী হাই স্কুল। ৪৮টি জিপিএ-৫ পেয়ে ষষ্ঠ হয়েছে সিলেট ক্যাডেট কলেজ। ৪৬টি জিপিএ-৫ পেয়ে সপ্তম হয়েছে হবিগঞ্জ সরকারী হাই স্কুল। ৪২টি জিপিএ-৫ পেয়ে অষ্টম হয়েছে ছাপাখানাবাদ ক্যান্টনম্যান্ট পাবলিক স্কুল এন্ড কলেজ। ৪১টি জিপিএ-৫ পেয়ে নবম হয়েছে মৌলভীবাজারের শ্রীমঙ্গলের দি বার্ড'স রেসিডেন্সিয়াল মডেল হাই স্কুল এবং ৩৯টি জিপিএ-৫ পেয়ে বোর্ডের মধ্যে দশম হয়েছে সুনামগঞ্জ সরকারি বালিকা বিদ্যালয়।